



Ofisa o Fuainumera Faamauina

Lipoti o le Tamaoiga

Kuata o Setema 2018

Aotelega

03 Ianuari 2019

Otootoga:

- Siitia le tamaoiga i le 1.1%.
- Tamaoiga fua i tau o oloa o le 2009 (real): \$486.6 miliona
- Tamaoiga fua i suiga o le tau o oloa i totonu o le kuata (nominal) - WST \$574.2 miliona.

Mataupu o i le ripoti:


Folamua & Aotelega	1
Faapaseneina o le suiga o le tamaoiga	1-2
Suiga o le Tamaoiga	2
Faapaseneina o le sao o Vaega Maoti i le tamaoiga.	2
Tamaoiga o Mati 2018	3-9
Iloiloga o le Tamaoiga ma Atina'e mo le	10
Pepa Faaopoopo - Tamaoiga i ona Vaega Maoti	

E 1.1% na siitia ai le tamaoiga o Samoa i le kuata o Setema 2018 e pei ona faamauina ai foi siitaga e 1.7% ma le 3.8% mo kuata o Mati ma Iuni o le nei lava tausaga. O le faatumauiina pea o le tulaga lelei o le tamaoiga e afua lea ona o le lelei ma le tele o le tamaoiga maua mai i vaega e pei o fefaatauaiga o meaa, vai inu, oloa mo aoga ma nisi oloa laiti. O loo faamauina foi le siita o tupe lafo mai aiga o i atunuu e mamao i le 17.5% faapea ma tupe maua mai tagata tafafao maimoa mai fafo i le 17.9% mo Setema 2018. I lona aotelega, ua siitia ai tupe maua a le Malo mai le lafoga o VAGST, tiute ma nisi i le 12.6%.

Suiga o le Tamaoiga:

O le aofaiga o le tamaoiga (real GDP) mo le kuata o Setema 2019 e \$486.6 miliona, siitia lea i le 1.1% pea fua i le tamaoiga na faamauina i le kuata o Setema 2017. O le lona fa ai lea o kuata o loo agai pea i luga le tamaoiga o le atunuu.


Kalafi 1: Tamaoiga ma suiga, Setema 2015 - Setema 2018



O le kalafi I o loo faalia ai le tamaoiga pe a fua i le tamaoiga o le 2009, o suiga mai i lea tausaga e amata mai le kuata o Setema 2015 seia oo ia Setema 2018 e faaogaina ai suiga i pasene e mataituina ai. O le saga

faatuputuina pea o le tamaoiga, e afua lea ona o le tulaga lelei o le tamaoiga maua mai i vaega eseese aemaise lava lava i le vaega o fefaatauaiga e pei ona avea ai ma poutu o le tamaoiga o le atunuu.

Kalafi 2: Faapaseneina o le sao o Vaega Maoti taitasi i le tamaoiga, Kuata o Setema 2018



O le faapaseneina o le sao o vaega maoti taitasi o le tamaoiga i le siitaga o le tamaoiga e 1.1% o loo faamaino mai i le kalafi 2. O le vaega o fefaatauaiga, o loo faamauina lona sao e 3.9%, o le vaega a le Malo e 1.4% sosoo ai ma le vaega o faletalimalo ma faleaiga i lo la sao e 0.4%. O isi vaega na faamauina a latou siitaga e aofia ai le vaega o auunaga a tagata taitoatasi ma lisi auunaga i le 0.1% faapea ma e umia fale e i lalo ifo o le 0.1% lona sao.


O le vaega o fefaatauaiga na siitia lona tamaoiga i le 12.0% mai le kuata o Setema 2017 faamauina ai le sosoo o kuata e fa o loo faatumauiina pea lona tulaga lelei. O le aofaiga o lona tamaoiga maua e \$174.8 miliona ma o se matatia ua ausia e lea vaega maoti mai le tele o tausaga ua mavae. O lea tulaga lelei ua ausia ona o le malosi o fefaatauaiga i oloa siitaoa ma fefaatauaiga o meaa, oloa tau aoga, oloa faufale ma isi faapea fefaatauaiga o taavale. O loo o gatasi lava lea siitaga o le tamaoiga ma le siitia foi o tupe maua a le Malo mai lafoga i luga o lafoga eseese e pei o le VAGST, lafoga totogi e kamupani ma

pisinisi, tiute ma isi i le 12.6%. O le Vaega a le Malo ma Falealimalo & Faleaiga na faamauina foi le maualuga o la tamaoaiga i le gasolo mai ai o tausaga. Ae peitai, o vaega e aofia ai le vaega o faigafaiva ma faatoaga faapea ma vaega o galuega tetele, vaega o auunaga taufaletupe ma felauaiga na faamauina le pau ai o o latou tamaoaiga maua i le gasologa mai ai o kuata ma tausaga.

Aotelega o le tamaoaiga, fua i le tau o oloa i totonu o le kuata (Nominal):

O le aofaiga o le tamaoaiga pe a fua i le tau o oloa i totonu o le kuata o Setema 2018 e \$574.2 miliona, o se tulaga e lei mafia ona ausia i le sefulu tasi tausaga ua mavae. Ua siitia i le 3.3% mai i le aofaiga sa i ai i le kuata lava le nei i le tausaga ua mavae e afua lea ona o le tulaga lelei o tamaoaiga maua mai vaega e pei o le vaega o feafaatauaiga, o le Malo faapea ma faatoaga i le pasene e 4.4%, 2.2% ma le 1.1%.

Kalafi 3: Pasene o Vaega Maoti, Kuata o Setema 2018




O loo faamanino mai i le kalafi pasene o le sao a vaega maoti o le tamaoaiga mo le kuata o Setema 2018. O le vaega 3 (Tertiary sector) o loo avea pea ma vaega tele lo latou sao e 61.0% i le tamaoaiga, siitia i le 1.0% mai le tausaga ua mavae e afua ona o le siitia o le tamaoaiga maua mai le vaega o feafaatauaiga i le 3.2%. O le vaega 2 (Secondary sector) poo le vaega o oloa gaosi eseese e lona lua lona sao faamauina e 18.6%, faaitiitia i le 2.8% ona o le tapunia ai o nisi o kamupani tetele i totonu o le tausaga 2018. O le vaega 1 (Primary sector) e 10.8% lona sao, e le tele se suiga mai le aofaiga ia Setema 2017. O le siitia ai o le vaega o faatoaga ua faaitiitia ai le aafiaga o le tamaoaiga ona o le pau o le tamaoaiga maua mai i le vaega o faigafaiva. O le vaega a le Malo e 9.6% lona sao, ua siitia i le 1.9% mai le tausaga ua mavae.

Iloiloga o le sefululua masina: (Oketopa 2017 - Setema 2018)


O le aofaiga o le tamaoaiga mo le kuata o Setema 2018 pe a fua i le suiga o tau o oloa i totonu o le kuata (current prices) e \$2,231.8 miliona (\$2.2 piliona); ua siitia i le 4.3% mai le kuata o Setema 2017. O le aofaiga o le tamaoaiga pe a faasafua fua i le faitau aofai o tagata e \$11,307. O le tamaoaiga pe a fua i le tausaga 2009 e \$1,913.4 miliona (\$1.9 piliona) le aofaiga mo le sefululua masina e faapau mai ia Setema 2018, siitia lea i le 1.8% mai le kuata o Setema 2017. E amata mai ia Setema 2014, o le lima ai nei o tausaga sosoo o tumau pea le tulaga lelei o le tamaoaiga o le atunuu.

Kalafi 4: Gasologa o le Tamaoaiga mo le tausaga faaiiina ia Setema, 2013/14 - 2017/18



O le siitia ai o le tamaoaiga i le 1.8% mo le tausaga faaiiina ia Setema 2018 e afua ona o le lelei o le tamaoaiga maua mai vaega maoti sei vagana ai nai isi vaega maoti e pei o le vaega o Faatoaga, Faigafaiva, Isi Oloa Gaosi, Felauaiga faapea Auaunaga faa-faletupe na faamauina le pau o o latou tamaoaiga i pasene e 9.5%, 11.3%, 25.3%, 6.0% ma le 15.5%. O le vaega o feafaatauaiga na tele lona sao na faamauina e 2.2%, siitia i le 6.9% mai le kuata o Setema 2017. O le vaega a le Malo faapea ma le vaega o Galuega tetele na faamauina a la sao e tai 0.7% i le suiga o le tamaoaiga mai le tausaga ua te'a.

Kalafi 5: O le sao a Vaega Maoti i le tamaoaiga mo le tausaga faaiiina ia Setema 2018




O le faamanino mai i le kalafi le sao a vaega maoti taitasi i le tamaoaiga ma lona siitaga e 1.8% i le faaiuga i le kuata o Setema 2018.

Iloiloga o Vaega Maoti taitasi


VAEGA O FAATOAGA	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	42,761	45,150	48,934	8.4	14.4
Tamaoiga (fua ile tausaga 2009) Tala Samoa (\$'000)	34,299	32,226	31,532	-2.2	-8.1
Saofaga ile tuufaatasiga faaletausaga (gasologa o le tamaoiga i pasene)	0.4	-1.3	-0.6	<i>Kalafi 6: Suiga i Pasene o le Vaega o Faatoaga (fua ile tausaga e 2009), Setema 2015 - Setema 2018</i>	
Saofaga ile tuufaatasiga faa-lekuata (tamaoiga i pasene)	7.7	8.3	8.5		

I lona aotelega, o le aofaiga o le tamaoiga faamauina a le vaega e \$31.5 miliona mo le kuata o Setema 2018, faaititia lea i le 8.1% mai le tausaga ua te'a. O le aofaiga foi o lona sao i le suiga o le tamaoiga ua faaititia i le 0.6 pasene. O le lona fa ai lea o kuata o agai pea i lalo le tamaoiga maua mai i le vaega. O loo gatasi foi ma le faaititia o le aofai o fua o faatoaga o loo faatauina i le maketi e pei o talo (45.6%), ta'amu (14.7%), fa'i (50.2%) faapea ma le kapisi lapotopoto (38.3%) pe a fua i aofaiga sa faamauina i le tausaga ua mavae. O le faaititia o ia oloa ua aafia ai foi ma oloa taufaatoaga auina atu i fafo e pei ona faamauina ai le pau e 1.6% e faapea foi i lafumanu, faamauina foi le pau e 2.7% ia Setema. E ui i lea tulaga faaletonu, ae a fua le tamaoiga mai le vaega i le tau o oloa i totonu o le kuata (current prices) e siitia maualuga i le 14.4% e mafua ona o le aafiaga i le suiga o le tau o oloa.



FAIGAFAlVA	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	17,328	17,730	13,189	-25.6	-23.9
Tamaoiga (fua ile tausaga 2009) Tala Samoa (\$'000)	14,491	13,370	13,341	-0.2	-7.9
Saofaga ile tuufaatasiga faaletausaga (gasologa o le tamaoiga i pasene)	-1.5	0.2	-0.2	<i>Kalafi 7: Suiga i Pasene o Faigafaiva (fua i le tausaga e 2009), Setema 2015 - Setema 2018</i>	
Saofaga i le tuufaatasiga faa-lekuata (tamaoiga i pasene)	3.1	3.2	2.3		

E \$13.3 miliona le aofaiga o le tamaoiga a le vaega pe a fua i le tau o oloa o le 2009, faaititia lea i le 7.9% mai ia Setema 2018 i le maea ai o le tulaga maualuga sa ausia i le kuata o Iuni 2018. O le siitia o i'a faatauina i le maketi i le 36.2% e lei mafai lea ona faamalieina ai le manaoga o le i'a auina atu i fafo e pei ona faamauina ai le pau e 48.9% ni ke piriota le nei. O le tele o suiga o le tau aemaise o le faatuputupulaia o le mafanafana o le suasami i le atu Samoa o nisi o vaega ua fai ma toatuga i le atinae ma le tamaoiga maua a le vaega maoti.




O loo ua faamauina foi le pau ai o lona sao i le tamaoiga pe a fua i le suiga o le tau o oloa i totonu o le kuata mai le 3.1% ia Setema 2017 i le 2.3% mo Setema 2018.

Iloiloga o Vaega Maoti taitasi

VAEGA O GAOSIA MEAAI MA VAI INU	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	19,709	18,471	18,792	1.7	-4.7
Tamaoiga (fua ile tausaga 2009) Tala Samoa (\$'000)	16,924	16,041	15,593	-2.8	-7.9
Saofaga ile tuufaatasiga faaletausaga (gasologa o le tamaoiga i pasene)	-0.1	0.3	-0.3	Kalafi 8: Tamaoiga maua mai Oloa Gaosi o Meaai & Vai Inu ma le suiga mai i kuata taitasi i pasene, Setema 2015 - Setema 2018	
Saofaga ile tuufaatasiga faa-lekuata (tamaoiga i pasene)	3.5	3.4	3.3		


Ua faamauina le uluai pau o le tamaoiga maua a le vaega mo le kuata le nei, faaitiitia i le 7.9% i le maea ai o kuata e lua ua tuanai o tulaga lelei lava.

Ua afua lea tulaga ona o le faaitiitia lea o le gaosia o oloa e pei o le ava malosi ma faguina suamalie i le kuata le nei pe a fua i le aofaiga sa gaosia i le tausaga ua mavae i le kuata lava le nei. E -0.3 pasene le sao a le vaega o gaosia meaai ma vai inu i le tamaoiga.



VAEGA O ISI OLOA GAOSI	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	23,659	19,738	20,532	4.0	-13.2
Tamaoiga (fua ile tausaga 2009) Tala Samoa (\$'000)	20,155	17,754	18,820	6.0	-6.6
Saofaga ile tuufaatasiga faaletausaga (gasologa o le tamaoiga i pasene)	-2.2	-0.9	-0.3	Kalafi 9: Tamaoiga maua mai le Vaega o isi Oloa Gaosi, Setema 2015 - Setema 2018	
Saofaga ile tuufaatasiga faa-lekuata (tamaoiga i pasene)	4.3	3.6	3.6		

A fua i le tau o oloa o le tausaga faavae 2009, o le tamaoiga maua mai le vaega e \$18.8 miliona mo le kuata le nei. Ua faaitiitia lea aofaiga i le 6.6% pe a fua i le aofaiga sa i ai i le kuata lava le nei o le tausaga ua mavae. O le faaauau pea ona faaletonu o le tamaoiga maua mai i le nei vaega, ua afaina ai foi ma lona tamaoiga i le atunuu i le 0.3 pasene. Ua tele lava le aafiaga o le tamaoiga talu ona tapunia se tasi o kamupani tele i totonu o le atunuu. O se tasi o ona aafiaga ogaoga o le faaitiitia ai lea o avanoa faigaluega mo le vaega maoti i le 61.1% i totonu o le piriota. O le lona ono ai lea o kuata sosoo o faaletonu lava le tamaoiga maua mai i le nei vaega.




Iloiloga o Vaega Maoti taitasi

GALUEGA TETELE	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	52,320	56,895	46,497	-18.3	-11.1
Tamaoiga (fua ile tausaga 2009) Tala Samoa (\$'000)	48,400	52,098	42,514	-18.4	-12.2
Saofaga ile tuufaatasiga faaletausaga (gasologa o le tamaoiga i pasene)	0.3	2.3	-1.2		
Saofaga ile tuufaatasiga faa-lekuata (tamaoiga i pasene)	9.4	10.4	8.1		

Kalafi 10: Tamaoiga maua mai le Vaega o Galuega Tetele ma le suiga mai i kuata taitasi i pasene, Setema 2015 - Setema 2018

Ua faaititia le tamaoiga maua mai i Galuega Tetele i le 12.2% pe a fua ia Setema 2017. O le vaega leni ua faamauina le tele o le pau o lona sao i le aotelega o le tamaoiga pe a fua ia Setema 2017 i le 1.2 pasene. O le faaititia ai o galuega tetele o loo faatino ua fai ai ma aafiaga i le tamaoiga a le nei vaega. E faamaonia lea vaega ona o loo faamauina le faaititia ai o oloa faufale o loo auina mai totonu o le atunuu i le 4.1% mo le kuata o Setema 2018. A fua i le kuata o Iuni 2018 e 18.4% ua faaititia ai fo'i.




O le Kalafi 10 o loo faamanino ai le gasologa mai o le vaega maoti mo kuata taitasi.

ELETISE MA SUAVAI	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	23,561	20,026	20,993	4.8	-10.9
Tamaoiga (fua ile tausaga 2009) Tala Samoa (\$'000)	20,577	19,464	19,447	-0.1	-5.5
Saofaga ile tuufaatasiga faaletausaga (gasologa o le tamaoiga i pasene)	0.3	0.0	-0.2		
Saofaga ile tuufaatasiga faa-lekuata (tamaoiga i pasene)	4.2	3.7	3.7		

Kalafi 11: Tamaoiga maua mai le Vaega o Eletise & Suavai Setema 2015 - Setema 2018

Na tulaga faaletonu le tamaoiga maua a le vaega maoti; o le aofaiga faamauina mo le kuata le nei e \$19.4 miliona na faaititia lea i le 5.5% mai le tausaga ua mavae. Ua faamauina foi le faaititia ai o lona sao i le 0.2 pasene i le siitaga o le tamaoiga. O se suiga sili lea ona ogaoga ma maua talu mai le kuata o Tesema 2015 ona o aafiaga lava o muga-la ma le utituti o le suavai maua.




A fua i le suiga o le tau o oloa i totonu o le kuata (current prices), ua faamauina ai lona tamaoiga e 10.9%, tasi o mafuaaga ona o toe fetuunaiga o le tau o iunite o loo faatauina e pei ona faaititia ai i le 8.0% mo le kuata o Setema 2018 pea fua ia Setema 2017.

Iloiloga o Vaega Maoti taitasi

FEFAATAUAIGA	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	177,565	181,507	202,040	11.3	13.8
Tamaoiga (fua ile tausaga 2009) Tala Samoa (\$'000)	156,005	158,330	174,787	10.4	12.0
Saofaga ile tuufaatasiga faaletausaga (gasologa o le tamaoiga i pasene)	-0.4	2.0	3.9	<i>Kalafi 12: Tamaoiga maua mai i Fefaatauaiga ma le suiga mai i kuata taitasi i pasene, Setema 2015 - Setema 2018</i>	
Saofaga ile tuufaatasiga faa-lekuata (tamaoiga i pasene)	31.9	33.3	35.2		


E \$174.8 miliona le aofaiga o le tamaoiga mai le vaega o fefaatauaiga. Ua siitia i le 12.0% mai le paleni sa iai ia Setema 2017 ma faamauina ai lona sao e 3.9% i le suiga o le tamaoiga. O se tulaga maoae; e afua lea ona o le vave ma le saosasoa o le atinae i le atunuu e pei ona faamauina ai foi lona sao e 35.2%. O lea tulaga lelei ua afua lea ona o le tupe maua i fefaatauaiga i oloa e pei o oloa sii atoa, oloa tau aoga, ma nisi oloa manaomia masani e pei o masini, lavalava, mea-fale, oloa tau taavale ma le faatauina o taavale.

O lona aafiaga lelei, ua siitia ai ma tupe maua mai lafoga e pei o le VAGST, tiute mai lisi ile 12.6% ia Setema 2018 pe a fua ia Setema 2017.



FALETALIMALO MA FALEAIGA	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	15,582	12,230	16,864	37.9	8.2
Tamaoiga (fua ile tausaga 2009) Tala Samoa (\$'000)	13,311	10,987	15,126	37.7	13.6
Saofaga ile tuufaatasiga faaletausaga (gasologa o le tamaoiga i pasene)	0.6	0.2	0.4	<i>Kalafi 13: Tamaoiga maua mai i Fale-talimalo & Faleaiga ma le suiga mai i kuata taitasi i pasene, Setema 2015 - Setema 2018</i>	
Saofaga ile tuufaatasiga faa-lekuata (tamaoiga i pasene)	2.8	2.2	2.9		

E \$15.1 miliona le aofaiga o le tamaoiga maua mai i le nei vaega maoti; na faamauina ai le siitaga e 13.6% mai ia Setema 2017. O se tasi nei o vaega maoti sa tulaga lelei lona sao i le atinaeina o le tamaoiga o le atunuu e pei ona faamauina ai le 0.4%. O le ono (6) ai lea o kuata sosoo o loo tumau pea le tulaga siitia o le tamaoiga a le vaega maoti. O le tulaga lelei i le tamaoiga a le vaega, e afua lea o le siitia o le fuainumera o tagata asiasi mai aiga ma uo i le 46.3% pe a fua i le aofaiga sa i ai ia Setema 2017. O loo o gatasi lava lea ma le siitaga o tupe maua mai turisi i le 17.9%. O fonotaga a ekalesia le tasi o mafuaaga tele o le tulaga lelei o nei tupe aemaise o le tamaoiga a le vaega.




Iloiloga o Vaega Maoti taitasi

FELAUAIAGA	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	26,829	17,201	23,047	34.0	-14.1
Tamaoiga (fua ile tausaga 2009) Tala Samoa (\$'000)	23,627	15,161	20,732	36.7	-12.3
Saofaga ile tuufaatasiga faaletausaga (gasologa o le tamaoiga i pasene)	-0.5	-0.9	-0.6	<i>Kalafi 14: Tamaoiga maua mai le Vaega o Felauaiga ma le suiga mai i kuata taitasi i pasene, Setema 2015 - Setema 2018</i>	
Saofaga ile tuufaatasiga faa-lekuata (tamaoiga i pasene)	4.8	3.2	4.0		

A fua i le tau o oloa sa iai i le 2009, o le aofaiga o le tamaoiga mo le vaega ua faamauina mo le kuata le nei e \$20.7 miliona, faaititia le ai le 12.3% mai le tausaga ua mavae. O lona sao i le atina'e e 0.6 pasene.


O le tulaga faaletonu ai o le tamaoiga maua a le vaega maoti e afua lea ona o le faaititia o oloa tau masini ma taavale auina mai totonu o le atunuu i le 15.9% pe a fua i le aofaiga sa i ai i le tausaga ua mavae. Talu mai le amataga o le 2018, e le'i iloga lava ona tulaga lelei mai le gasologa masani o felauaiga i le ea, laueleele ma le sami ona o aafiaga o le afa.



FESOOTAIAGA	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	26,867	21,712	27,274	25.6	1.5
Tamaoiga (fua ile tausaga 2009) Tala Samoa (\$'000)	23,576	18,837	23,482	24.7	-0.4
Saofaga ile tuufaatasiga faaletausaga (gasologa o le tamaoiga i pasene)	1.3	0.2	0.0	<i>Kalafi 15: Tamaoiga maua mai i Fesootaiga ma le suiga mai i kuata taitasi i pasene, Setema 2015 - Setema 2018</i>	
Saofaga ile tuufaatasiga faa-lekuata (tamaoiga i pasene)	4.8	4.0	4.7		

I lona aotelega, e 0.4% ua faaititia ai le tamaoiga a le vaega maoti pe a fua i le 2017. O le mafuaaga ona o le agai i lalo o le manaoga ae o loo faaogaina auunaga tau fesootaiga i totonu o le kuata.

Ae ui i lea, e 24.7% ua maualuga ai ile kuata faatoa mavae atu (Iuni 2018).




Iloiloga o Vaega Maoti taitasi

AUAUNAGA FAAPISINISI	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	14,505	13,605	11,878	-12.7	-18.1
Tamaoiga (fua ile tausaga 2009) Tala Samoa (\$'000)	14,791	13,404	12,055	-10.1	-18.5
Saofaga ile tuufaatasiga faaletau- saga (gasologa o le tamaoiga i pasene)	-0.2	0.7	-0.6		
Saofaga ile tuufaatasiga faa-le- kuata (tamaoiga i pasene)	2.6	2.5	2.1		

Kalafi 16: Tamaoiga maua mai le Vaega o Auaunaga Faapisinisi ma le suiga mai i kuata taitasi i pasene, Setema 2015 - Setema 2018

I le faaiuga o le kuata, na faamauina ai le aofaiga o le tamaoiga maua mai le auaunaga faapisinisi i le \$12.0 miliona. E 18.5% ua pau ai mai le tausaga ua mavae ma o le taimi muamua foi lea ua faamauina ai se pau mo le nei vaega maoti i le maea o kuata e tolu o tulaga lelei pea.


E -0.6 pasene lona pau i le suiga o le tamaoiga ma lona sao i le tuufaatasiga o le tamaoiga atoa e 2.1%.



AUAUNAGA TAITOATASI & ISI	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	27,443	32,402	28,285	-12.7	3.1
Tamaoiga (fua ile tausaga 2009) Tala Samoa (\$'000)	24,693	29,117	25,279	-13.2	2.4
Saofaga ile tuufaatasiga faaletau- saga (gasologa o le tamaoiga i pasene)	-0.4	0.8	0.1		
Saofaga ile tuufaatasiga faa-le- kuata (tamaoiga i pasene)	4.9	5.9	4.9		

Kalafi 17: Tamaoiga maua mai le Vaega o Auaunaga a Tagata Taitoatasi ma Isi Auaunaga, Setema 2015 - Setema 2018

O le vaega maoti o auaunaga taitoatasi ma isi na siitia lona tamaoiga i le 2.4% mai le kuata o Setema 2017 i le tausaga le nei. E 0.1 pasene lona sao i le siitia o le tamaoiga ae ui i lea, o le kuata o Setema 2018 ua faamauima le maualalo ai lava mai kuata uma ua mavae e amata mai ia Setema 2017 lea sa faamauina ai le aofaiga e \$24.7 miliona.




Iloiloga o Vaega Maoti taitasi

VAEGA A LE MALO	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	42,836	49,125	55,083	12.1	28.6
Tamaoiga (fua ile tausaga 2009) Tala Samoa (\$'000)	32,882	34,829	39,569	13.6	20.3
Saofaga ile tuufaatasiga faaletausaga (gasologa o le tamaoiga i pasene)	0.0	0.4	1.4		
Saofaga ile tuufaatasiga faa-le-kuata (tamaoiga i pasene)	7.7	9.0	9.6		

Kalafi 18: Tamaoiga maua mai le Vaega a le Malo ma le suiga mai i kuata taitasi i pasene, Setema 2015 - Setema 2018

A fua i le gasologa faa-le-kuata, e 13.6% ua siitia ai le tamaoiga maua mai le Malo ia Setema 2018 mai ia Iuni 2018; ae a fua faaletausaga, e 20.3% ua toe siitia ai foi. E pei ona faamauina, e \$39.6 miliona le tamaoiga maua mai le malo ma lona sao i le suiga o le tamaoiga e 1.4 pasene.

O lona sao i le tuufaatasiga o le tamaoiga ua siitia lea mai le 7.7% sa i ai ia Setema 2017 i le 9.6% ia Setema 2018. O loo o gatasi lava ma le siitia o le numera o tagata faigaluega i le 5.1% i le Malo.




AUAUNAGA FAA-FALETUPE	Tamaoiga Setema 2017	Tamaoiga Iuni 2018	Tamaoiga Setema 2018	Suiga i % fua i le kuata Iuni 2018 (q-o-q)	Suiga i % fua ile kuata Setema 2017 (y-o-y)
Tamaoiga (fua kuata) Tala Samoa (\$'000)	26,990	19,320	20,524	6.2	-24.0
Tamaoiga (fua ile tausaga 2009) Tala Samoa (\$'000)	19,684	13,911	14,604	5.0	-25.8
Saofaga ile tuufaatasiga faaletausaga (gasologa o le tamaoiga i pasene)	-0.1	-0.2	-1.1		
Saofaga ile tuufaatasiga faa-le-kuata (tamaoiga i pasene)	4.9	3.5	3.6		

Kalafi 19: Tamaoiga maua mai ile Vaega o Auaunaga Faa-faletupe ma le suiga mai i kuata taitasi i pasene, Setema 2015 - Setema 2018

E \$14.6 miliona le tamaoiga na faamauina mo le vaega maoti i le maea ai o le kuata. A fua i le kuata o le tausaga ua mavae, e 25.8% e maualalo ai. O le lona ono ai lea o kuata o pau pea le tamaoiga maua mai i le vaega o auaunaga faa-faletupe.

Ua faamauina foi le faaitiitia o lona sao i le 1.1 pasene i le tamaoiga o le atunuu mo le kuata o Setema 2018.



FAAMATALAGA, SUIGA & ATINAE FOU I FAAMAUMAUGA O LE TAMAOAIGA

FAAMATALAGA

O le tuufaatasia o faamaumauga tau i le tamaoaiga e feagai pea ma luitau, o le mafuaaga lea e alagatatau ai ona matuai lelei ma atoatoa faailoilo e faaogaina ma ia mautinoa ai e iai lava suiga ma iloiloga i faamaumauga aemaise lava i faamaumauga o kuata poo tausaga ua mavae pe afai ae maua nisi faamaumauga fou ma talafeagai ma tiala e tuufaatasia ai faamaumauga tau tamaoaiga.

O lenei ripoti faalekuata ua luasefulu ai ripoti o faamaumauga tau i le tamaoaiga ua faamatuuina ma o loo faaogaina ai le tausaga faavae o le 2009 (GDP estimates at 2009 prices). E faaauu pea lenei lomiga ma e mafai foi ona maua i luga o le upega tafailagi a le Ofisa o Fuainumera Faamauina www.sbs.gov.ws.

SUIGA

E iai suiga ua faia i faamaumauga i le Vaega o Faletalimalo & Faleai-ma le Vaega o Auaunaga a tagata taitoatasi ma lisi i le ripoti o Tesema 2017 ona o suiga i faamaumauga i aofai o tagata faigaluega faapea ma faamaumauga o i latou tafafao mai. O faamaumauga foi o Faigafaiva e leo numerama tumau (provisional) ona o loo talia pea le oo mai i totonu o faamaumauga mai le Ofisa O Faigafaiva. E mautinoa le ono suia foi o faamaumauga ua tuuina atu i le nei ripoti i le lumanai ona o suiga i fuainumera o loo tuuina mai faapea foi pe a maea le galuega o loo feagai nei ma le Ofisa, o le suia lea o le tausaga faavae mai le 2009 i le 2013.

FUAINA O LE TAMAOAIGA

O faamaumauga i le tamaoaiga o se tiala aloaia ua faaogaina e Samoa e mataitu ai lona tamaoaiga. Ua faaogaina le tiala faavaomalo ole production approach po o le faaogaina o tupe faasili e maua mai i Oloa ma Auaunaga o loo faatinoina e Vaega Maoti taitasi o le tamaoaiga e fua ai suiga ma le aotelega o le tamaoaiga o le atunuu ina ua maea ona ave ese le tau o oloa mai si auaunaga na faaogaina. E mafai foi ona faapea o tupe mama poo polofiti o Vaega Maoti uma o le tamaoaiga.

Vaevaeina o Vaega Maoti o le Tamaoaiga: O pepa faaopopo ua tuuina atu ai faamaumauga a Vaega Maoti o le tamaoaiga ma o lona vaevaeina o loo mulimulitai i le tiala faavaomalo o le Vaevaeina o Vaega Maoti o le Tamaoaiga poo le ISIC Lomiga 3.1. E matuai taua le usitaia o le nei tiala ina ia mautinoa le sao o faamaumauga e patino i Vaega eseese ma ia lelei ma atoatoa ai faamaumauga e faamatuuina atu.

- Vaega Muamua (Faatoaga ma Faigafaiva)

- Vaega Lua poo le Vaega o Oloa Gaosi (Oloa Gaosi, Galuega Tele, Eletise & Suavai)
- Vaega Tolu poo Vaega o Auaunaga (Fefaatauaiga o Oloa siiatoa, Faleloa laiti ma faletalimalo, felauaiga, falemeli ma fale faaputuloa, auaunaga faafaasalalau ma fesootaiga, auaunaga faafaletupe ma inisiua, auaunaga tofogi aso ma fefaatauaiga o fanua, galuega eseese, faasaienitisi, tomai faapitoa, auaunaga lautele, auaunaga faaleMalo, saogalemu, aooaga, soifua maloloina, faatufugaga o tomai eseese ma isi auaunaga.

GALUEGA FUAFUAINA I LE LUMANAI

Suiga o le tausaga faavae

Ua iai le faamoemoe o le a faia le suiga i faamaumauga tau le tamaoaiga i le isi ripoti o le tamaoaiga o loma nei ile faaiuga o Tesema 2018. O le a tuufaatasia ai le tele o faamaumauga fou ua maua e pei o faamaumauga mai le suesuega o Tupe maua ma Tupe Faalu a aiga 2013, Suesuega tau Faatoaga ma Lafumanu, Suesuega i Pisinisi ma nisi lava faamatalaga ma faamaumauga taua. O le a iai foi suiga i metotia ma tiala o le a faaogaina mo lenei polokalame o le toe suia o le tausaga faavae.

Aliiumamua Malaefono Taua – T Faasalaina
Faamau Fuainumera a le Malo / Ofisa Sili o Pulega



Vaaga Taula'i:
"Avea le Ofisa o Fuainumera Faamauina
ma taitai i le tuufaatasia ma le tuuina atu"

Vaega o Faamaumauga tau Tupe ma le Tamaoaiga
Maota FMFMII, Fogafale 2 Pusa Meli 1151
Apia, Samoa

Telefoni: (685) 62006 / 29326
Telesi: (685) 24675
Imeli: fsd@sbs.gov.ws